

YR ATODLENNI

ATODLEN 4

Rheoliad 98

Grant myfyriwr ôl-raddedig anabl

Grant myfyriwr ôl-raddedig anabl

1.—(1) Mae grant myfyriwr ôl-raddedig anabl yn grant sy'n cael ei roi ar gael gan Weinidogion Cymru i fyfyriwr ôl-raddedig cymwys sydd ag anabledd er mwyn ei gynorthwyo gyda gwariant ychwanegol mewn cysylltiad â chostau byw y mae'n ofynnol i'r myfyriwr fynd iddynt mewn cysylltiad ag ymgymryd â chwrs ôl-radd dynodedig oherwydd anabledd y myfyriwr.

(2) Yn yr Atodlen hon, ystyr "cwrs ôl-radd presennol" yw'r cwrs y mae person yn gwneud cais am grant myfyriwr ôl-raddedig anabl mewn cysylltiad ag ef o dan baragraff 17.

Gwybodaeth Cychwyn

II Atod. 4 para. 1 mewn grym ar 12.3.2018, gweler [rhl. 1\(2\)](#)

Cyrsiau ôl-radd dynodedig

2.—(1) Yn yr Atodlen hon (ac at ddibenion adran 22 o Ddeddf 1998), mae cwrs yn gwrs ôl-radd dynodedig os yw'n bodloni pob un o'r amodau a ganlyn—

Amod 1

Fel arfer mae gradd gyntaf (neu gymhwyster cyfatebol) neu uwch yn ofynnol ar gyfer cael mynediad i'r cwrs.

Amod 2

Nid yw'r cwrs yn gwrs rhyngosod.

Amod 3

Hyd y cwrs yw o leiaf un flwyddyn academiaidd.

^{F1}Amod 4

- pan fo'r cwrs yn dechrau cyn 1 Awst 2019, mae'n cael ei ddarparu gan sefydliad a oedd cyn 1 Awst 2019 yn sefydliad a gyllidir yn gyhoeddus;
- pan fo'r cwrs yn dechrau ar neu ar ôl 1 Awst 2019, mae'n cael ei ddarparu gan sefydliad a gyllidir gan Gymru, sefydliad a gyllidir gan yr Alban, sefydliad a gyllidir gan Ogledd Iwerddon neu sefydliad rheoleiddiedig Seisnig;

Amod 5

Mae o leiaf hanner yr addysgu a'r goruchwyllo sy'n ffurfio'r cwrs wedi ei ddarparu yn y Deyrnas Unedig.

Amod 6

Nid yw'r cwrs yn gwrs ar gyfer hyfforddiant cychwynnol athrawon neu'n gwrs a ddilynir fel rhan o gynllun hyfforddi athrawon ar sail cyflogaeth (o fewn yr ystyr a roddir gan reoliad 7(2)).

Statws Golwg cyfnod mewn amser fel yr oedd ar 04/01/2024.

Newidiadau i ddeddfwriaeth: Mae newidiadau yn dal heb eu gwneud i Rheoliadau Addysg (Cymorth i Fyfyrrwyr) (Cymru) 2018. Mae unrhyw newidiadau sydd wedi cael eu gwneud yn barod gan y tim yn ymddangos yn y cynnwys a chyfeirir atynt gydag anodiadau. (See end of Document for details)

(2) At ddibenion Amod 4—

- (a) mae cwrs wedi ei ddarparu gan sefydliad os yw'n darparu'r addysgu a'r goruchwylio sy'n ffurfio'r cwrs, pa un a yw'r sefydliad wedi ymrwymo i gytundeb â'r myfyriwr i ddarparu'r cwrs ai peidio;
- (b) bernir bod prifysgol ac unrhyw goleg cyfansoddol neu sefydliad cyfansoddol sydd o natur coleg prifysgol yn [^{F2}sefydliad a gyllidir yn gyhoeddus] os yw naill ai'r brifysgol neu'r coleg neu sefydliad cyfansoddol yn [^{F2}sefydliad a gyllidir yn gyhoeddus] ;
- [^{F3}(c) ni fernir bod sefydliad yn sefydliad a gyllidir yn gyhoeddus neu'n sefydliad a gyllidir gan Gymru dim ond oherwydd—
 - (i) pan fo'r cwrs yn dechrau cyn 1 Awst 2019, ei fod yn sefydliad cysylltiedig a gafodd daliad perthnasol cyn y dyddiad hwnnw, neu
 - (ii) pan fo'r cwrs yn dechrau ar neu ar ôl 1 Awst 2019, ei fod yn sefydliad cysylltiedig sy'n cael taliad perthnasol.]

[^{F4}(3) At ddibenion is-baragraff (2)—

- (a) ystyr “sefydliad cysylltiedig” yw sefydliad cysylltiedig o fewn ystyr “connected institution” yn adran 65(3B) o Ddeddf Addysg Bellach ac Uwch 1992; a
- (b) ystyr “taliad perthnasol” yw talu'r cyfan neu ran o unrhyw grant, benthyciad neu daliad arall gan gorff llywodraethu sefydliad a ddarperir i'r sefydliad cysylltiedig yn unol ag adran 65(3A) o Ddeddf Addysg Bellach ac Uwch 1992.]

Diwygiadau Testunol

- F1** Geiriau yn [Atod. 4 para. 2\(1\)](#) wedi eu hamnewid (gyda chais yn unol â rhl. 1(3)(b) of the amending S.I.) gan [Rheoliadau Addysg \(Cyllid Myfyrrwyr\) \(Diwygiadau Amrywiol\) \(Cymru\) 2019 \(O.S. 2019/235\)](#), rhlau. 1(3)(a), **57(a)**
- F2** Geiriau yn [Atod. 4 para. 2\(2\)](#) wedi eu hamnewid (30.7.2018) gan [Rheoliadau Addysg \(Cyllid Myfyrrwyr\) \(Diwygiadau Amrywiol\) \(Cymru\) 2018 \(O.S. 2018/814\)](#), rhlau. 1(2), **17(a)**
- F3** [Atod. 4 para. 2\(2\)\(c\)](#) wedi ei amnewid (gyda chais yn unol â rhl. 1(3)(b) of the amending S.I.) gan [Rheoliadau Addysg \(Cyllid Myfyrrwyr\) \(Diwygiadau Amrywiol\) \(Cymru\) 2019 \(O.S. 2019/235\)](#), rhlau. 1(3)(a), **57(b)**
- F4** [Atod. 4 para. 2\(3\)](#) wedi ei fewnosod (gyda chais yn unol â rhl. 1(3)(b) of the amending S.I.) gan [Rheoliadau Addysg \(Cyllid Myfyrrwyr\) \(Diwygiadau Amrywiol\) \(Cymru\) 2019 \(O.S. 2019/235\)](#), rhlau. 1(3)(a), **57(c)**

Gwybodaeth Cychwyn

- I2** [Atod. 4 para. 2](#) mewn grym ar 12.3.2018, gweler [rhl. 1\(2\)](#)

Dynodi cyrsiau ôl-radd eraill

3.—(1) Caiff Gweinidogion Cymru bennu bod cwrs ôl-radd i'w drin yn gwrw ôl-radd dynodedig er gwaethaf y ffaith na fyddai fel arall yn gwrw ôl-radd dynodedig, oni bai am y pennu.

(2) Caiff Gweinidogion Cymru atal dros dro neu ddirymu pennu cwrs ôl-radd o dan is-baragraff (1).

Gwybodaeth Cychwyn

- I3** [Atod. 4 para. 3](#) mewn grym ar 12.3.2018, gweler [rhl. 1\(2\)](#)

Myfyrwyr ôl-raddedig cymwys

4.—(1) Mae person yn fyfyrwr ôl-raddedig cymwys mewn cysylltiad â chwrs ôl-radd dynodedig y mae'r person yn ymgymryd ag ef—

- (a) os oes gan y person anabledd; a
- (b) naill ai—
 - (i) os yw'r person yn dod o fewn un o'r categorïau o bersonau a nodir yn Atodlen 2 ac nad yw unrhyw un neu ragor o'r eithriadau a nodir ym mharagraff 5 o'r Atodlen hon yn gymwys i'r person, neu
 - (ii) os yw amgylchiadau'r person yn dod o fewn un o'r achosion a nodir ym mharagraff 6.

(2) Dim ond mewn cysylltiad ag un cwrs ôl-radd dynodedig y caiff person fod yn fyfyrwr ôl-raddedig cymwys ar unrhyw un adeg.

Gwybodaeth Cychwyn

I4 Atod. 4 para. 4 mewn grym ar 12.3.2018, gweler [rhl. 1\(2\)](#)

5.—(1) Nid yw person (“P”) yn fyfyrwr ôl-raddedig cymwys os yw unrhyw un neu ragor o'r eithriadau a ganlyn yn gymwys—

Eithriad 1

Ar unrhyw un adeg, mae P hefyd yn cymhwyso i gael cymorth mewn cysylltiad â chwrs dynodedig yn rhinwedd y Rheoliadau hyn neu unrhyw reoliadau eraill a wneir o dan adran 22 o Ddeddf 1998 oni bai bod y cwrs yn un y mae gradd gyntaf (neu gymhwyster cyfatebol) neu gymhwyster uwch yn ofyniad mynediad arferol ar ei gyfer.

Eithriad 2

Mewn cysylltiad â P yn ymgymryd â'r cwrs ôl-radd dynodedig, rhoddwyd i P neu talwyd iddo—

- (a) bwrsari gofal iechyd,
- (b) lwfans o dan Reoliadau Lwfansau Myfyrwyr Nyrsio a Bydwreigiaeth (Yr Alban) 2007,
- (c) lwfans, bwrsari neu ddyfarndal o ddisgrifiad tebyg a wnaed gan y Cyngor Ymchwil, neu
- (d) lwfans, bwrsari neu ddyfarndal o ddisgrifiad tebyg a wnaed—
 - (i) gan y sefydliad sy'n darparu'r cwrs,
 - (ii) o dan adran 67(4)(a) o Ddeddf Safonau Gofal 2000 ^[F5], neu o dan adran 46 o Ddeddf Plant a Gwaith Cymdeithasol 2017,^[1] neu
 - (iii) o dan adran 116(2)(a) o Ddeddf Rheoleiddio ac Arolygu Gofal Cymdeithasol (Cymru) 2016^[2],

sy'n cynnwys unrhyw daliad at ddiben talu am wariant ychwanegol yr aeth P iddo oherwydd ei anabledd.

Eithriad 3

Mae P wedi torri rhwymedigaeth i ad-dalu benthyciad myfyriwr.

Eithriad 4

(1) 2000 p. 14. Diwygiwyd adran 67(4) gan Ddeddf Rheoleiddio ac Arolygu Gofal (Cymru) 2016 (dccc 2), Atodlen 3, Rhan 2, paragraffau 40 a 43.

(2) 2016 dccc 2.

Statws Golwg cyfnod mewn amser fel yr oedd ar 04/01/2024.

Newidiadau i ddeddfwriaeth: Mae newidiadau yn dal heb eu gwneud i Rheoliadau Addysg (Cymorth i Fyfyrrwyr) (Cymru) 2018. Mae unrhyw newidiadau sydd wedi cael eu gwneud yn barod gan y tim yn ymddangos yn y cynnwys a chyfeirir atynt gydag anodiadau. (See end of Document for details)

Mae P wedi cyrraedd 18 oed ac nid yw wedi dilysu cytundeb am fenthyciad myfyriwr a wnaed gyda P pan oedd P o dan 18 oed.

Eithriad 5

Mae Gweinidogion Cymru yn meddwl bod ymddygiad P o'r fath fel nad yw P yn addas i gael grant myfyriwr ôl-raddedig anabl.

Eithriad 6

Mae P yn garcharor.

Ond caiff P fod yn fyfyriwr ôl-raddedig cymwys er ei fod yn garcharor—

- (a) os yw cais P am grant myfyriwr ôl-raddedig anabl mewn cysylltiad â'r flwyddyn academaidd y mae P yn mynd i'r carchar neu'n cael ei ryddhau o'r carchar ynddi, neu
- (b) os yw P wedi cael ei awdurdodi gan Lywodraethwr neu Gyfarwyddwr y carchar neu gan awdurdod priodol arall i astudio'r cwrs ôl-radd dynodedig a bod dyddiad rhyddhau cynharaf P o fewn 6 mlynedd i ddiwrnod cyntaf blwyddyn academaidd gyntaf y cwrs.

Eithriad 7

Mae P yn fyfyriwr Categori 6 yn rhinwedd paragraff 6(1) o Atodlen 2 yn unig ac nid yw'n dod o fewn unrhyw un neu ragor o'r categorïau eraill o fyfyriwr cymwys a bennir yn yr Atodlen honno.

(2) Yn Eithriadau 3 a 4, ystyr "benthyciad myfyriwr" yw benthyciad a wneir o dan—

- (a) Deddf Addysg (Benthyciadau i Fyfyrrwyr) 1990;
- (b) Deddf Addysg (Yr Alban) 1980;
- (c) Gorchymyn Addysg (Benthyciadau i Fyfyrrwyr) (Gogledd Iwerddon) 1990;
- (d) Gorchymyn Addysg (Cymorth i Fyfyrrwyr) (Gogledd Iwerddon) 1998;
- (e) rheoliadau a wneir o dan unrhyw un neu ragor o'r Deddfau neu'r Gorchmynion hynny;
- (f) rheoliadau a wneir o dan Ddeddf 1998.

Diwygiadau Testunol

F5 Geiriau yn Atod. 4 para 5(1)(d)(ii) wedi eu mewnosod (2.12.2019) gan The Children and Social Work Act 2017 (Consequential Amendments) (Social Workers) Regulations 2019 (O.S. 2019/1094), rhl. 1, **Atod. 3 para. 43(2)**; O.S. 2019/1436, **rhl. 2(b)**

Gwybodaeth Cychwyn

I5 Atod. 4 para. 5 mewn grym ar 12.3.2018, gweler **rhl. 1(2)**

Diwygiadau Testunol

F5 Geiriau yn Atod. 4 para 5(1)(d)(ii) wedi eu mewnosod (2.12.2019) gan The Children and Social Work Act 2017 (Consequential Amendments) (Social Workers) Regulations 2019 (O.S. 2019/1094), rhl. 1, **Atod. 3 para. 43(2)**; O.S. 2019/1436, **rhl. 2(b)**

Gwybodaeth Cychwyn

I4 Atod. 4 para. 4 mewn grym ar 12.3.2018, gweler **rhl. 1(2)**

I5 Atod. 4 para. 5 mewn grym ar 12.3.2018, gweler **rhl. 1(2)**

Myfyrrwyr ôl-raddedig cymwys sy'n parhau ar gwrs

6.—(1) Mae person ("P")—

- (a) sydd ag anabledd, a
- (b) y mae ei amgylchiadau yn dod o fewn un o'r achosion a ganlyn,

yn fyfyrwr ôl-raddedig cymwys (yn unol â hynny, nid oes angen i P ddod o fewn unrhyw un o'r categorïau o fyfyrwr cymwys a nodir yn Atodlen 2 ac nid yw'r eithriadau a nodir ym mharagraff 5 yn gymwys i P).

(2) Yr achosion yw—

Achos 1

- (a) roedd P yn cymhwyso fel myfyriwr ôl-raddedig cymwys mewn cysylltiad â blwyddyn academaidd gynharach o'r cwrs ôl-radd presennol, a
- (b) roedd P yn preswyllo fel arfer yng Nghymru ar ddiwrnod cyntaf blwyddyn academaidd gyntaf y cwrs ôl-radd presennol.

Achos 2

- (a) roedd P yn fyfyrwr ôl-raddedig cymwys mewn cysylltiad â chwrs ôl-radd dynodedig (y "cwrs cynharach") ac eithrio'r cwrs ôl-radd presennol,
- (b) mae statws P fel myfyriwr ôl-raddedig cymwys mewn cysylltiad â'r cwrs cynharach wedi cael ei drosglwyddo i'r cwrs ôl-radd presennol (gweler paragraff 15),ac
- (c) roedd P yn preswyllo fel arfer yng Nghymru ar ddiwrnod cyntaf blwyddyn academaidd gyntaf y cwrs cynharach.

Gwybodaeth Cychwyn

I6 Atod. 4 para. 6 mewn grym ar 12.3.2018, gweler [rhl. 1\(2\)](#)

Cyfnod cymhwystra

7.—(1) Cedwir statws myfyriwr fel myfyriwr ôl-raddedig cymwys mewn cysylltiad â chwrs ôl-radd dynodedig tan ddiwedd cyfnod cymhwystra'r myfyriwr oni bai bod ei statws wedi ei derfynu yn unol â pharagraff 9, 10, 12 neu 13.

(2) Daw cyfnod cymhwystra myfyriwr i ben ar ddiwedd y flwyddyn academaidd y mae'r myfyriwr yn cwblhau'r cwrs ôl-radd dynodedig ynddi.

Gwybodaeth Cychwyn

I7 Atod. 4 para. 7 mewn grym ar 12.3.2018, gweler [rhl. 1\(2\)](#)

Cyrsiau rhan-amser – dim cymhwystra am flynyddoedd o astudio dwysedd isel

8. Pan fo'r cwrs ôl-radd presennol yn gwrw rhan-amser, nid yw'r myfyriwr ôl-radd cymwys yn gymwys i gael grant myfyriwr ôl-raddedig anabl mewn cysylltiad â blwyddyn academaidd pan fo'r dwysedd astudio ar gyfer y flwyddyn honno yn llai na 25% (gweler paragraff 5 o Atodlen 1 o ran sut i gyfrifo'r dwysedd astudio ar gyfer blwyddyn academaidd).

Gwybodaeth Cychwyn

I8 Atod. 4 para. 8 mewn grym ar 12.3.2018, gweler [rhl. 1\(2\)](#)

Statws Golwg cyfnod mewn amser fel yr oedd ar 04/01/2024.

Newidiadau i ddeddfwriaeth: Mae newidiadau yn dal heb eu gwneud i Rheoliadau Addysg (Cymorth i Fyfyrrwyr) (Cymru) 2018. Mae unrhyw newidiadau sydd wedi cael eu gwneud yn barod gan y tim yn ymddangos yn y cynnwys a chyfeirir atynt gydag anodiadau. (See end of Document for details)

Terfynu cymhwystra yn gynnar

9. Mae cyfnod cymhwystra myfyriwr ôl-raddedig cymwys (“P”) yn terfynu ar ddiwedd y diwrnod—

- pan fydd P yn tynnu’n ôl o’i gwrs ôl-radd dynodedig ac nad yw Gweinidogion Cymru yn trosglwyddo statws P fel myfyriwr ôl-raddedig cymwys o dan baragraff 15,
- pan fydd P yn cefnu ar ei gwrs ôl-radd dynodedig neu’n cael ei ddiarddel ohono, neu
- pan fydd P [^{F6}hefyd yn cymhwyso i gael cymorth] mewn cysylltiad â chwrs dynodedig yn rhinwedd y Rheoliadau hyn neu unrhyw reoliadau eraill a wneir o dan adran 22 o Ddeddf 1998 oni bai bod y cwrs yn un y mae gradd gyntaf (neu gymhwyster cyfatebol) neu gymhwyster uwch yn ofyniad mynediad arferol ar ei gyfer.

Diwygiadau Testunol

F6 Geiriau yn **Atod. 4 para. 9(c)** wedi eu hamnewid (30.7.2018) gan **Rheoliadau Addysg (Cyllid Myfyrrwyr) (Diwygiadau Amrywiol) (Cymru) 2018 (O.S. 2018/814)**, rhlau. **1(2)**, **18(b)**

Gwybodaeth Cychwyn

I9 Atod. 4 para. 9 mewn grym ar 12.3.2018, gweler **rhl. 1(2)**

Terfynu o ganlyniad i gamymddygiad neu fethu â darparu gwybodaeth gywir

10.—(1) Caiff Gweinidogion Cymru derfynu cyfnod cymhwystra myfyriwr ôl-raddedig cymwys os ydynt wedi eu bodloni bod ymddygiad y myfyriwr o’r fath fel nad yw’r myfyriwr yn addas mwyach i gael grant myfyriwr ôl-raddedig anabl.

(2) Mae is-baragraff (3) yn gymwys os yw Gweinidogion Cymru wedi eu bodloni bod myfyriwr cymwys—

- wedi methu â chydymffurfio â gofyniad a osodir gan yr Atodlen hon i ddarparu gwybodaeth neu ddogfennaeth, neu
 - wedi darparu gwybodaeth neu ddogfennaeth a oedd yn sylweddol anghywir.
- (3) Pan fo’r is-baragraff hwn yn gymwys, caiff Gweinidogion Cymru—
- terfynu cyfnod cymhwystra’r myfyriwr;
 - penderfynu nad yw’r myfyriwr yn cymhwyso i gael grant myfyriwr ôl-raddedig anabl neu swm o grant o’r fath y maent yn meddwl ei fod yn briodol.

Gwybodaeth Cychwyn

I10 Atod. 4 para. 10 mewn grym ar 12.3.2018, gweler **rhl. 1(2)**

Adfer cymhwystra ar ôl iddo gael ei derfynu

11.—(1) Pan fo cyfnod cymhwystra myfyriwr yn terfynu o dan baragraff 9 neu 10 yn ystod y flwyddyn academiaidd y mae’r myfyriwr yn cwblhau’r cwrs ôl-radd presennol ynddi, caiff Gweinidogion Cymru adfer cyfnod cymhwystra’r myfyriwr am unrhyw gyfnod y maent yn meddwl ei fod yn briodol.

(2) Ond ni chaniateir i gyfnod cymhwystra sydd wedi ei adfer estyn y tu hwnt i ddiwedd y flwyddyn academiaidd y mae’r myfyriwr yn cwblhau’r cwrs ôl-radd dynodedig ynddi.

Gwybodaeth Cychwyn

I11 Atod. 4 para. 11 mewn grym ar 12.3.2018, gweler [rhl. 1\(2\)](#)

Ffoaduriaid y mae eu caniatâd i aros wedi dod i ben

12.—(1) Mae'r paragraff hwn yn gymwys—

- (a) pan oedd person (“P”) yn fyfyrwr ôl-raddedig cymwys categori 2 (gweler Atodlen 2) mewn cysylltiad â chais am grant myfyriwr ôl-raddedig anabl—
 - (i) ar gyfer blwyddyn gynharach o'r cwrs ôl-radd presennol, neu
 - (ii) mewn cysylltiad â chwrs y mae statws P fel myfyriwr ôl-raddedig cymwys wedi cael ei drosglwyddo ohono i'r cwrs presennol o dan baragraff 15, a
- (b) pan, ar ddiwedd y diwrnod cyn diwrnod cyntaf y flwyddyn academiaidd y mae P yn gwneud cais am grant myfyriwr ôl-raddedig anabl mewn cysylltiad â hi, fo statws ffoadur—
 - (i) P, neu
 - (ii) y person yr oedd ei statws fel ffoadur yn golygu bod P yn fyfyrwr ôl-raddedig cymwys categori 2,

wedi dod i ben ac nad yw caniatâd pellach i aros wedi cael ei roi ac nad oes apêl yn yr arfaeth (o fewn ystyr adran 104 o Ddeddf Cenedligrwydd, Mewnfudo a Lloches 2002).

(2) Pan fo'r paragraff hwn yn gymwys, mae statws P fel myfyriwr ôl-raddedig cymwys yn terfynu yn union cyn diwrnod cyntaf y flwyddyn academiaidd y mae P yn gwneud cais am grant myfyriwr ôl-raddedig anabl mewn cysylltiad â hi.

(3) Yn y paragraff hwn, mae i “ffoadur” yr ystyr a roddir gan baragraff 11 o Atodlen 2.

Gwybodaeth Cychwyn

I12 Atod. 4 para. 12 mewn grym ar 12.3.2018, gweler [rhl. 1\(2\)](#)

[^{F7}Personau y mae eu caniatâd i aros fel personau diwladwriaeth wedi dod i ben

12A.—(1) Mae'r paragraff hwn yn gymwys—

- (a) pan oedd person (“P”) yn fyfyrwr ôl-raddedig cymwys categori 2A (gweler Atodlen 2) mewn cysylltiad â chais am grant myfyriwr ôl-raddedig anabl—
 - (i) ar gyfer blwyddyn gynharach o'r cwrs ôl-radd presennol, neu
 - (ii) mewn cysylltiad â chwrs y mae statws P fel myfyriwr ôl-raddedig cymwys wedi cael ei drosglwyddo ohono i'r cwrs ôl-radd presennol o dan baragraff 15, a
- (b) pan, ar ddiwedd y diwrnod cyn diwrnod cyntaf y flwyddyn academiaidd y mae P yn gwneud cais am grant myfyriwr ôl-raddedig anabl mewn cysylltiad â hi, fo'r cyfnod y caiff—
 - (i) P, neu
 - (ii) y person, oherwydd ei fod yn berson y rhoddwyd caniatâd iddo aros fel person diwladwriaeth, a oedd yn peri i P fod yn fyfyrwr ôl-raddedig cymwys Categori 2A,

aros yn y Deyrnas Unedig wedi dod i ben ac nad yw caniatâd pellach i aros wedi cael ei roi ac nad oes cais am adolygiad gweinyddol yn unol â'r rheolau mewnfudo yn yr arfaeth.

Statws Golwg cyfnod mewn amser fel yr oedd ar 04/01/2024.

Newidiadau i ddeddfwriaeth: Mae newidiadau yn dal heb eu gwneud i Rheoliadau Addysg (Cymorth i Fyfyrrwyr) (Cymru) 2018. Mae unrhyw newidiadau sydd wedi cael eu gwneud yn barod gan y tîm yn ymddangos yn y cynnwys a chyfeirir atynt gydag anodiadau. (See end of Document for details)

(2) Pan fo'r paragraff hwn yn gymwys, mae statws P fel myfyriwr ôl-raddedig cymwys yn terfynu yn union cyn diwrnod cyntaf y flwyddyn academiaidd y mae P yn gwneud cais am grant myfyriwr ôl-raddedig anabl mewn cysylltiad â hi.]

Diwygiadau Testunol

F7 Atod. 4 para. 12A wedi ei fewnosod (30.7.2018) gan Rheoliadau Addysg (Cyllid Myfyrrwyr) (Diwygiadau Amrywiol) (Cymru) 2018 (O.S. 2018/814), rhlau. 1(2), 17(b)

Personau eraill y mae eu caniatâd i ddod i mewn neu i aros wedi dod i ben

13.—(1) Mae'r paragraff hwn yn gymwys—

- (a) pan oedd person ("P") [^{F8}yn fyfyriwr ôl-raddedig cymwys categori 3 neu'n fyfyriwr ôl-raddedig cymwys ar sail diogelwch dyngarol o dan baragraff 339C o'r rheolau mewnfudo (gweler Atodlen 2)] mewn cysylltiad â chais am grant myfyriwr ôl-raddedig anabl—
- (i) ar gyfer blwyddyn gynharach o'r cwrs ôl-radd presennol, neu
- (ii) mewn cysylltiad â chwrs y mae statws P fel myfyriwr ôl-raddedig cymwys wedi cael ei drosglwyddo ohono i'r cwrs ôl-radd presennol o dan baragraff 15, a
- (b) pan, ar ddiwedd y diwrnod cyn diwrnod cyntaf y flwyddyn academiaidd y mae P yn gwneud cais am grant myfyriwr ôl-raddedig anabl mewn cysylltiad â hi, fo'r cyfnod y caiff—
- (i) P, neu
- (ii) y person, oherwydd bod ganddo ganiatâd i ddod i mewn neu i aros, a oedd yn peri i P fod [^{F9}neu'n fyfyriwr ôl-raddedig cymwys ar sail diogelwch dyngarol o dan baragraff 339C o'r rheolau mewnfudo],

aros yn y Deyrnas Unedig wedi dod i ben ac nad yw caniatâd pellach i aros wedi cael ei roi ac nad oes apêl yn yr arfaeth (o fewn ystyr adran 104 o Ddeddf Cenedligrwydd, Mewnfudo a Lloches 2002).

(2) Pan fo'r paragraff hwn yn gymwys, mae statws P fel myfyriwr ôl-raddedig cymwys yn terfynu yn union cyn diwrnod cyntaf y flwyddyn academiaidd y mae P yn gwneud cais am grant myfyriwr ôl-raddedig anabl mewn cysylltiad â hi.

Diwygiadau Testunol

- F8** Geiriau yn Atod. 4 para. 13(1)(a) wedi eu hamnewid (28.1.2021) gan Rheoliadau Addysg (Ffioedd Myfyrrwyr, Dyfardaliadau a Chymorth) (Preswylfa Arferol) (Cymru) 2021 (O.S. 2021/9), rhlau. 1(2), 49(a)
- F9** Geiriau yn Atod. 4 para. 13(1)(b)(ii) wedi eu mewnysod (28.1.2021) gan Rheoliadau Addysg (Ffioedd Myfyrrwyr, Dyfardaliadau a Chymorth) (Preswylfa Arferol) (Cymru) 2021 (O.S. 2021/9), rhlau. 1(2), 49(b)

Gwybodaeth Cychwyn

I13 Atod. 4 para. 13 mewn grym ar 12.3.2018, gweler **rh. 1(2)**

[^{F10}Personau y mae eu caniatâd i aros o dan adran 67 wedi dod i ben

13A.—(1) Mae'r paragraff hwn yn gymwys—

- (a) pan oedd person ("P") yn fyfyriwr ôl-raddedig cymwys categori 3A (gweler Atodlen 2) mewn cysylltiad â chais am grant myfyriwr ôl-raddedig anabl—

- (i) ar gyfer blwyddyn gynharach o'r cwrs ôl-radd presennol, neu
- (ii) mewn cysylltiad â chwrs y mae statws P fel myfyriwr ôl-raddedig cymwys wedi cael ei drosglwyddo ohono i'r cwrs ôl-radd presennol o dan baragraff 15, a
- (b) pan, ar ddiwedd y diwrnod cyn diwrnod cyntaf y flwyddyn academiaidd y mae P yn gwneud cais am grant myfyriwr ôl-raddedig anabl mewn cysylltiad â hi, fo'r cyfnod y caiff—
 - (i) P, neu
 - (ii) y person, oherwydd ei fod yn berson sydd â chaniatâd i aros o dan adran 67, a oedd yn peri i P fod yn fyfyrwr ôl-raddedig cymwys categori 3A,

aros yn y Deyrnas Unedig wedi dod i ben ac nad yw caniatâd pellach i aros wedi cael ei roi ac nad oes apêl yn yr arfaeth (o fewn ystyr adran 104 o Ddeddf Cenedligrwydd, Mewnfudo a Lloches 2002).

(2) Pan fo'r paragraff hwn yn gymwys, mae statws P fel myfyriwr ôl-raddedig cymwys yn terfynu yn union cyn diwrnod cyntaf y flwyddyn academiaidd y mae P yn gwneud cais am grant myfyriwr ôl-raddedig anabl mewn cysylltiad â hi.]

Diwygiadau Testunol

F10 Atod. 4 para. 13A wedi ei fewnosod (gyda chais yn unol â rhl. 1(3)(b) of the amending S.I.) gan Rheoliadau Addysg (Cyllid Myfyrrwyr) (Diwygiadau Amrywiol) (Cymru) 2019 (O.S. 2019/235), rhlau. 1(3)(a), 57(d)

Dod yn gymwys yn ystod blwyddyn academiaidd

14.—(1) Pan fo un o'r digwyddiadau ym mharagraff (3) yn digwydd, caiff y myfyriwr ddod yn gymwys i gael grant myfyriwr ôl-raddedig anabl.

(2) Ond ni fydd swm y grant sy'n daladwy i'r myfyriwr ôl-raddedig cymwys ond mewn cysylltiad â'r [F11]flwyddyn academiaidd o'r dyddiad y mae'r digwyddiad perthnasol yn digwydd].

(3) Y digwyddiadau yw—

(a) bod cwrs y myfyriwr yn dod yn gwrs ôl-radd dynodedig;

(b) bod y myfyriwr yn dod yn fyfyrwr ôl-raddedig cymwys ar y sail—

[F12(i) bod y myfyriwr neu ei briod, ei bartner sifil neu ei riant yn cael ei gydnabod yn ffoadur, yn dod yn berson y rhoddwyd caniatâd iddo aros fel person diwladwriaeth, yn dod yn berson sydd â chaniatâd i ddod i mewn neu i aros neu'n dod yn berson y rhoddwyd diogelwch dyngarol iddo o dan baragraff 339C o'r rheolau mewnfudo;]

[F13(ia) bod y myfyriwr neu riant y myfyriwr yn dod yn berson sydd â chaniatâd i aros o dan adran 67;]

(ii) bod y myfyriwr yn wladolyn o wladwriaeth sy'n ymaelodi â'r Undeb Ewropeaidd pan fo'r myfyriwr wedi bod yn preswyllo fel arfer yn y Deyrnas Unedig a'r Ynysoedd drwy gydol y cyfnod o dair blynedd yn union cyn diwrnod cyntaf blwyddyn academiaidd gyntaf y cwrs;

(iii) bod y myfyriwr yn caffael yr hawl i breswyllo'n barhaol;

(iv) bod y myfyriwr yn dod yn blentyn i weithiwr Twrcaidd;

(v) bod y myfyriwr yn dod yn berson a ddisgrifir ym mharagraff 4(1)(a) o Atodlen 2;

(vi) bod y myfyriwr yn dod yn blentyn i wladolyn Swisaidd.

(4) Yn is-baragraff (3) mae i'r termau a ganlyn yr un ystyr ag yn Atodlen 2—

“ffoadur” (“refugee”);

Statws Golwg cyfnod mewn amser fel yr oedd ar 04/01/2024.

Newidiadau i ddeddfwriaeth: Mae newidiadau yn dal heb eu gwneud i Rheoliadau Addysg (Cymorth i Fyfyrrwyr) (Cymru) 2018. Mae unrhyw newidiadau sydd wedi cael eu gwneud yn barod gan y tîm yn ymddangos yn y cynnwys a chyfeirir atynt gydag anodiadau. (See end of Document for details)

“gweithiwr Twrciaidd” (“*Turkish worker*”);
 “hawl i breswyllo’n barhaol” (“*right of permanent residence*”);
 [F14“person sydd â chaniatâd i aros o dan adran 67” (“*person with section 67 leave to remain*”);]
 “person sydd â chaniatâd i ddod i mewn neu i aros” (“*person with leave to enter or remain*”);
 [F15“person y rhoddwyd caniatâd iddo aros fel person diwladwriaeth” (“*person granted stateless leave*”);]
 “plentyn” (“*child*”);
 [F16“rheolau mewnfudo” (“*immigration rules*”);]
 “rhiant” (“*parent*”).

Diwygiadau Testunol

- F11** Geiriau yn Atod. 4 para. 14(2) wedi eu hamnewid (gyda chais yn unol â rhl. 1(2) o'r O.S. diwygio) gan Rheoliadau Addysg (Cymorth i Fyfyrrwyr) (Diwygiadau Amrywiol) (Cymru) 2021 (O.S. 2021/73), **rhl. 11(a)**
- F12** Atod. 4 para. 14(3)(b)(i) wedi ei amnewid (28.1.2021) gan Rheoliadau Addysg (Ffioedd Myfyrrwyr, Dyfarnaliadau a Chymorth) (Preswylfa Arferol) (Cymru) 2021 (O.S. 2021/9), rhlau. 1(2), **50(a)**
- F13** Atod. 4 para. 14(3)(b), (ia) wedi ei fewnosod (gyda chais yn unol â rhl. 1(3)(b) of the amending S.I.) gan Rheoliadau Addysg (Cyllid Myfyrrwyr) (Diwygiadau Amrywiol) (Cymru) 2019 (O.S. 2019/235), rhlau. 1(3)(a), **57(e)**
- F14** Geiriau yn Atod. 4 para. 14(4) wedi eu mewnosod (gyda chais yn unol â rhl. 1(3)(b) of the amending S.I.) gan Rheoliadau Addysg (Cyllid Myfyrrwyr) (Diwygiadau Amrywiol) (Cymru) 2019 (O.S. 2019/235), rhlau. 1(3)(a), **57(f)**
- F15** Geiriau yn Atod. 4 para. 14(4) wedi eu mewnosod (30.7.2018) gan Rheoliadau Addysg (Cyllid Myfyrrwyr) (Diwygiadau Amrywiol) (Cymru) 2018 (O.S. 2018/814), rhlau. 1(2), **17(d)**
- F16** Geiriau yn Atod. 4 para. 14(4) wedi eu mewnosod (28.1.2021) gan Rheoliadau Addysg (Ffioedd Myfyrrwyr, Dyfarnaliadau a Chymorth) (Preswylfa Arferol) (Cymru) 2021 (O.S. 2021/9), rhlau. 1(2), **50(b)**

Gwybodaeth Cychwyn

- I14** Atod. 4 para. 14 mewn grym ar 12.3.2018, gweler **rhl. 1(2)**

Trosglwyddo rhwng cyrsiau ôl-radd

15.—(1) Pan fo myfyriwr ôl-raddedig cymwys yn trosglwyddo o gwrs ôl-radd dynodedig i gwrs ôl-radd dynodedig arall, rhaid i Weinidogion Cymru drosglwyddo statws y myfyriwr fel myfyriwr ôl-raddedig cymwys i'r cwrs arall—

- (a) os cânt gais oddi wrth y myfyriwr i wneud hynny,
- (b) os ydynt wedi eu bodloni bod un o'r seiliau trosglwyddo yn gymwys (gweler is-baragraff (2)), ac
- (c) os nad yw cyfnod cymhwysra'r myfyriwr wedi dod i ben nac wedi cael ei derfynu.

(2) Y seiliau trosglwyddo yw—

Y sail gyntaf

Mae'r myfyriwr ôl-raddedig cymwys yn peidio ag ymgymryd ag un cwrs ôl-radd dynodedig ac yn ymgymryd â chwrs ôl-radd dynodedig arall yn yr un sefydliad.

Yr ail sail

Mae'r myfyriwr ôl-raddedig cymwys yn ymgymryd â chwrs ôl-radd dynodedig mewn sefydliad arall.

Gwybodaeth Cychwyn

I15 Atod. 4 para. 15 mewn grym ar 12.3.2018, gweler [rhl. 1\(2\)](#)

Effaith y trosglwyddo

16.—(1) Pan fo Gweinidogion Cymru yn trosglwyddo statws myfyriwr ôl-raddedig cymwys (“P”) o dan baragraff 15—

- (a) cânt ailasesu swm y grant myfyriwr ôl-raddedig anabl sy'n daladwy i P ar ôl y trosglwyddo;
- (b) ond os na wneir ailasesiad, mae gan P hawlogaeth, mewn cysylltiad â blwyddyn academiaidd y cwrs y mae P yn trosglwyddo iddo, i gael gweddill y grant myfyriwr ôl-raddedig anabl yr asesodd Gweinidogion Cymru fod gan P hawlogaeth i'w gael mewn cysylltiad â blwyddyn academiaidd y cwrs y trosglwyddodd P ohono.

(2) Pan fo myfyriwr ôl-raddedig cymwys (“P”) yn trosglwyddo—

- (a) ar ôl i Weinidogion Cymru asesu hawlogaeth P i gael grant myfyriwr ôl-raddedig anabl mewn cysylltiad â blwyddyn academiaidd y cwrs y trosglwyddodd P ohono, ond
- (b) cyn i P gwblhau'r flwyddyn honno,

ni chaiff P wneud cais am grant myfyriwr ôl-raddedig anabl mewn cysylltiad â'r flwyddyn academiaidd honno mewn cysylltiad â'r cwrs y mae P wedi trosglwyddo iddo.

Gwybodaeth Cychwyn

I16 Atod. 4 para. 16 mewn grym ar 12.3.2018, gweler [rhl. 1\(2\)](#)

Ceisiadau a phenderfyniadau

17.—(1) Nid yw person yn cymhwyso i gael grant myfyriwr ôl-raddedig anabl mewn perthynas â blwyddyn academiaidd oni bai bod y person yn gwneud cais am y grant mewn perthynas â'r flwyddyn academiaidd honno.

(2) Rhaid i gais o dan is-baragraff (1)—

- (a) bod ar y ffurf honno a chynnwys yr wybodaeth honno a bennir gan Weinidogion Cymru,
- (b) cynnwys unrhyw ddogfennaeth sy'n ofynnol gan Weinidogion Cymru, ac
- (c) cyrraedd Gweinidogion Cymru cyn gynted ag y bo'n rhesymol ymarferol.

Gwybodaeth Cychwyn

I17 Atod. 4 para. 17 mewn grym ar 12.3.2018, gweler [rhl. 1\(2\)](#)

18.—(1) Caiff Gweinidogion Cymru gymryd unrhyw gamau a gwneud unrhyw ymholiadau y maent yn meddwl eu bod yn angenrheidiol er mwyn gwneud penderfyniad ar gais.

(2) Caiff y camau hynny gynnwys ei gwneud yn ofynnol i'r ceisydd ddarparu gwybodaeth neu ddogfennaeth bellach.

Statws Golwg cyfnod mewn amser fel yr oedd ar 04/01/2024.

Newidiadau i ddeddfwriaeth: Mae newidiadau yn dal heb eu gwneud i Rheoliadau Addysg (Cymorth i Fyfyrrwyr) (Cymru) 2018. Mae unrhyw newidiadau sydd wedi cael eu gwneud yn barod gan y tîm yn ymddangos yn y cynnwys a chyfeirir atynt gydag anodiadau. (See end of Document for details)

(3) Caiff Gweinidogion Cymru wneud penderfyniad dros dro ar gais (gweler paragraff 21 ar gyfer darpariaeth ynghylch taliadau a wneir ar sail penderfyniad dros dro).

(4) Caniateir i benderfyniad a wneir gan Weinidogion Cymru ar ôl i benderfyniad dros dro gael ei wneud—

- (a) cadarnhau'r penderfyniad dros dro, neu
- (b) rhoi penderfyniad gwahanol yn ei le.

(5) Rhaid i Weinidogion Cymru hysbysu'r ceisydd am benderfyniad (gan gynnwys penderfyniad dros dro) ar gais.

(6) Rhaid i'r hysbysiad ddatgan—

- (a) a yw Gweinidogion Cymru yn ystyried bod y ceisydd yn fyfyriwr ôl-raddedig cymwys,
- (b) os felly, a yw'r myfyriwr ôl-raddedig cymwys yn cymhwyso i gael grant myfyriwr ôl-raddedig anabl mewn perthynas â'r flwyddyn academiaidd,
- (c) os yw'r myfyriwr yn cymhwyso i'w gael, y swm sy'n daladwy mewn perthynas â'r flwyddyn academiaidd,
- (d) dadansoddiad sy'n pennu symiau'r grant sy'n daladwy mewn cysylltiad â phob [F17 math o wariant] a grybwyllir ym mharagraff 20(2), ac
- (e) yn achos penderfyniad dros dro, y ffaith bod y penderfyniad yn un dros dro a chanlyniadau'r ffaith honno.

Diwygiadau Testunol

F17 Geiriau yn Atod. 4 para. (6)(d) wedi eu amnewid (gyda chais yn unol â rhl. 1(2) o'r O.S. diwygio) gan Rheoliadau Addysg (Cymorth i Fyfyrrwyr) (Diwygiadau Amrywiol) (Cymru) 2021 (O.S. 2021/73), **rhl. 11(b)**

Gwybodaeth Cychwyn

I18 Atod. 4 para. 18 mewn grym ar 12.3.2018, gweler **rhl. 1(2)**

Diwygiadau Testunol

F17 Geiriau yn Atod. 4 para. (6)(d) wedi eu amnewid (gyda chais yn unol â rhl. 1(2) o'r O.S. diwygio) gan Rheoliadau Addysg (Cymorth i Fyfyrrwyr) (Diwygiadau Amrywiol) (Cymru) 2021 (O.S. 2021/73), **rhl. 11(b)**

Gwybodaeth Cychwyn

I17 Atod. 4 para. 17 mewn grym ar 12.3.2018, gweler **rhl. 1(2)**

I18 Atod. 4 para. 18 mewn grym ar 12.3.2018, gweler **rhl. 1(2)**

Gofynion ar fyfyrwyr ôl-radd cymwys i ddarparu gwybodaeth

19.—(1) Cyn gynted ag y bo'n rhesymol ymarferol ar ôl cael cais i wneud hynny, rhaid i fyfyriwr ôl-raddedig cymwys ddarparu i Weinidogion Cymru unrhyw wybodaeth neu ddogfennaeth sy'n ofynnol gan Weinidogion Cymru iddynt ei chael at ddibenion yr Atodlen hon.

(2) Pan fo digwyddiad a grybwyllir ym mharagraff (3) yn digwydd mewn cysylltiad â myfyriwr ôl-raddedig cymwys, rhaid i'r myfyriwr hysbysu Gweinidogion Cymru cyn gynted ag y bo'n rhesymol ymarferol ar ôl y digwyddiad.

(3) Y digwyddiadau yw—

- (a) bod y myfyriwr yn tynnu'n ôl o'r cwrs ôl-radd presennol, yn cefnu arno neu'n cael ei ddiarddel ohono;
 - (b) bod y myfyriwr yn trosglwyddo i gwrs ôl-radd arall (pa un ai yn yr un sefydliad neu mewn sefydliad gwahanol);
 - (c) bod y myfyriwr fel arall yn peidio ag ymgymryd â'r cwrs ôl-radd presennol ac nad yw'n bwriadu parhau ag ef am weddill y flwyddyn academaidd neu na chaniateir iddo barhau ag ef am weddill y flwyddyn academaidd;
 - (d) bod y myfyriwr yn absennol o'r cwrs ôl-radd presennol—
 - (i) am fwy na 60 diwrnod oherwydd salwch, neu
 - (ii) am unrhyw gyfnod am unrhyw reswm arall;
 - (e) bod y mis ar gyfer dechrau ar y cwrs ôl-radd presennol neu ei gwblhau yn newid;
 - (f) bod y manylion a ganlyn, sef—
 - (i) cyfeiriad cartref y myfyriwr neu ei gyfeiriad yn ystod y tymor,
 - (ii) rhif ffôn cartref y myfyriwr neu ei rif ffôn yn ystod y tymor, neu
 - (iii) cyfeiriad e-bost cartref y myfyriwr neu ei gyfeiriad e-bost yn ystod y tymor, yn newid.
- (4) Rhaid darparu gwybodaeth neu ddogfennaeth y mae'n ofynnol iddi gael ei darparu i Weinidogion Cymru o dan yr Atodlen hon ar y ffurf honno a bennir gan Weinidogion Cymru.
- (5) Caiff Gweinidogion Cymru ei gwneud yn ofynnol bod rhaid llofnodi—
- (a) cais o dan baragraff 17;
 - (b) unrhyw ddogfennaeth arall a ddarperir iddynt o dan yr Atodlen hon,
- yn y modd (gan gynnwys ar ffurf electronig) a bennir ganddynt.
- (6) Mae'r cyfeiriad at fyfyriwr ôl-raddedig cymwys yn is-baragraff (1) i'w drin fel pe bai'n cynnwys person sy'n gwneud cais o dan baragraff 17 hyd yn oed os penderfyniad Gweinidogion Cymru ar y cais yw nad yw'r person yn fyfyriwr ôl-raddedig cymwys.
- (7) Gweler paragraff 10 am ddarpariaeth ynghylch canlyniadau methu â chydymffurfio â gofyniad a osodir gan y paragraff hwn.

Gwybodaeth Cychwyn

I19 Atod. 4 para. 19 mewn grym ar 12.3.2018, gweler **rhlf. 1(2)**

Swm grant myfyriwr ôl-raddedig anabl

[^{F18}20.—(1) Swm y grant myfyriwr ôl-raddedig anabl sy'n daladwy i fyfyriwr ôl-raddedig cymwys mewn cysylltiad â blwyddyn academaidd yw'r swm—

- (a) y mae Gweinidogion Cymru yn meddwl ei fod yn briodol, ond
- (b) nad yw'n fwy na swm cyfanredol y terfynau sy'n gymwys mewn cysylltiad â'r Achosion a restrir yn is-baragraff (2).]

[^{F19}(2) Yr Achosion a'r terfynau yw—

Achos 1

Gwariant sy'n ofynnol ar gynorthwydd personol anfeddygol, eitemau mawr o offer arbenigol ac unrhyw wariant arall y mae'r myfyriwr ôl-raddedig cymwys yn mynd iddo mewn cysylltiad â'r cwrs oherwydd anabledd y myfyriwr (ar wahân i'r gwariant a bennir yn Achos 2).

Statws Golwg cyfnod mewn amser fel yr oedd ar 04/01/2024.

Newidiadau i ddeddfwriaeth: Mae newidiadau yn dal heb eu gwneud i Rheoliadau Addysg (Cymorth i Fyfyrrwyr) (Cymru) 2018. Mae unrhyw newidiadau sydd wedi cael eu gwneud yn barod gan y tim yn ymddangos yn y cynnwys a chyfeirir atynt gydag anodiadau. (See end of Document for details)

Terfyn o £31,831 mewn cysylltiad â blwyddyn academaidd o gwrs.

Achos 2

Gwariant ychwanegol yr eir iddo—

- (a) o fewn y Deyrnas Unedig at ddiben bod yn bresennol mewn sefydliad, a
- (b) o fewn y Deyrnas Unedig neu'r tu allan iddi at ddiben bod yn bresennol, fel rhan o'r cwrs presennol, am unrhyw gyfnod o astudio mewn sefydliad tramor (gan gynnwys Sefydliad Prifysgol Llundain ym Mharis).

Wedi ei gyfyngu i'r gwariant gwirioneddol yr eir iddo at y diben hwn.]

Diwygiadau Testunol

- F18** Atod. 4 para. 20(1) wedi ei amnewid (gyda chais yn unol â rhl. 1(2) o'r O.S. diwygio) gan Rheoliadau Addysg (Cymorth i Fyfyrrwyr) (Diwygiadau Amrywiol) (Cymru) 2021 (O.S. 2021/73), **rhl. 11(c)(i)**
- F19** Atod. 4 para. 20(2) wedi ei amnewid (gyda chais yn unol â rhl. 1(2) o'r O.S. diwygio) gan Rheoliadau Addysg (Cymorth i Fyfyrrwyr) (Diwygiadau Amrywiol) (Cymru) 2021 (O.S. 2021/73), **rhl. 11(c)(ii)**

Gwybodaeth Cychwyn

- I20** Atod. 4 para. 20 mewn grym ar 12.3.2018, gweler **rhl. 1(2)**

Talu

21.—(1) Mae grant myfyriwr ôl-raddedig anabl yn daladwy mewn cysylltiad â phedwar chwarter y flwyddyn academaidd.

(2) Caiff Gweinidogion Cymru dalu grant myfyriwr ôl-raddedig anabl mewn unrhyw randaliadau (os bydd rhandaliadau) ac ar unrhyw adegau y maent yn meddwl eu bod yn briodol.

(3) Caiff Gweinidogion Cymru, os ydynt yn meddwl bod hynny'n briodol, dalu unrhyw swm o'r grant myfyriwr ôl-raddedig anabl sy'n daladwy at ddiben cynorthwyo gyda gwariant ar eitemau mawr o offer arbenigol mewn un taliad mewn cysylltiad â'r flwyddyn academaidd gyfan.

(4) Pan fo Gweinidogion Cymru yn gwneud penderfyniad dros dro ar gais am grant myfyriwr ôl-raddedig anabl, caiff Gweinidogion Cymru wneud taliad sy'n seiliedig ar y penderfyniad hwnnw.

(5) Os yw Gweinidogion Cymru yn meddwl ei bod yn briodol gwneud taliadau drwy drosglwyddo'r taliadau i gyfrif banc neu gymdeithas adeiladu, cânt ei gwneud yn ofynnol i fyfyriwr ôl-raddedig cymwys ddarparu manylion unrhyw gyfrif o'r fath yn y Deyrnas Unedig y caniateir i daliadau gael eu gwneud iddo.

(6) Os yw'r gofyniad hwnnw wedi ei osod, ni chaiff Gweinidogion Cymru wneud unrhyw daliad o'r grant myfyriwr ôl-raddedig anabl hyd nes bod y myfyriwr ôl-raddedig cymwys wedi cwympffurfio.

Gwybodaeth Cychwyn

- I21** Atod. 4 para. 21 mewn grym ar 12.3.2018, gweler **rhl. 1(2)**

Gordaliadau

22.—(1) Pan fo myfyriwr ôl-raddedig cymwys wedi cael taliad o'r grant myfyriwr ôl-raddedig anabl sy'n fwy na'r swm y mae hawlogaeth ganddo i'w gael, rhaid i'r myfyriwr ad-dalu'r swm dros ben os yw Gweinidogion Cymru yn ei gwneud yn ofynnol iddo wneud hynny.

(2) Yn y paragraff hwn, mae cyfeiriadau at fyfyrwr ôl-raddedig cymwys i'w trin fel pe baent yn cynnwys person sydd wedi cael swm o'r grant myfyriwr ôl-raddedig anabl ond nad yw, neu nad yw mwyach, yn fyfyrwr ôl-raddedig cymwys.

(3) Rhaid i Weinidogion Cymru adennill unrhyw ordaliad o grant myfyriwr ôl-raddedig anabl oni bai eu bod yn meddwl nad yw'n briodol gwneud hynny.

(4) Mae taliad o grant myfyriwr ôl-raddedig anabl sydd wedi ei wneud cyn y diwrnod y mae'r cwrs yn dechrau arno yn ordaliad os yw'r myfyriwr ôl-raddedig cymwys yn tynnu'n ôl o'r cwrs cyn y diwrnod hwnnw.

(5) Mae taliad o grant myfyriwr ôl-raddedig anabl yn ordaliad os yw'r naill neu'r llall o'r achosion a ganlyn yn gymwys—

Achos 1

Mae swm o'r grant wedi ei dalu at ddiben cynorthwyo gyda gwariant ar eitemau mawr o offer arbenigol, ond nid yw'r offer wedi eu danfon at y myfyriwr ôl-raddedig cymwys cyn i gyfnod cymhwystra'r myfyriwr ddod i ben neu gael ei derfynu.

Achos 2

Mae swm o'r grant at ddiben cynorthwyo gyda gwariant ar eitemau mawr o offer arbenigol yn cael ei dalu ar ôl i gyfnod cymhwystra'r myfyriwr ôl-raddedig cymwys ddod i ben neu gael ei derfynu.

(6) Caniateir adennill gordaliad o grant myfyriwr ôl-raddedig anabl drwy ddidynnu'r gordaliad o unrhyw grant sy'n daladwy i'r myfyriwr ôl-raddedig cymwys o bryd i'w gilydd o dan y Rheoliadau hyn neu unrhyw reoliadau eraill a wneir gan Weinidogion Cymru o dan adran 22 o Ddeddf 1998.

(7) Pan—

(a) bo gordaliad o grant myfyriwr ôl-raddedig anabl, a

(b) bo unrhyw swm o'r grant wedi ei dalu at ddiben cynorthwyo gyda gwariant ar eitemau mawr o offer arbenigol,

caiff Gweinidogion Cymru dderbyn offer arbenigol yn ôl fel modd i adennill y cyfan neu ran o'r gordaliad.

(8) Nid yw is-baragraffau (6) a (7) yn rhwystro Gweinidogion Cymru rhag adennill gordaliad drwy unrhyw ddull arall sydd ar gael iddynt.

Gwybodaeth Cychwyn

I22 Atod. 4 para. 22 mewn grym ar 12.3.2018, gweler **rhif. 1(2)**

Statws

Golwg cyfnod mewn amser fel yr oedd ar 04/01/2024.

Newidiadau i ddeddfwriaeth:

Mae newidiadau yn dal heb eu gwneud i Rheoliadau Addysg (Cymorth i Fyfyrrwyr) (Cymru) 2018. Mae unrhyw newidiadau sydd wedi cael eu gwneud yn barod gan y tîm yn ymddangos yn y cynnwys a chyfeirir atynt gydag anodiadau.